

CONSPECTUS  
REI DIPLOMATICÆ  
SVECANÆ,  

---

SECTIO PRIOR HISTORICA,

CUJUS PARTEM I.

VENIA AMPL. FAC. PHILOS. UPS.

PUBLICO EXAMINI SUBJICIUNT

M. ERICUS M. FANT,

ACAD. VICE-BIBLIOTH. EXTRA-ORD.

ET

MICHAËL FANT,

STIPENDIARIUS THUNIANUS,

STOCKHOLMIENSES.

IN AUDIT. GUSTAV. MIN. D. XIV JUNII, AN. MDCCCLXXX.

H. A. M. S.

UPSALIÆ,

APUD JOH. EDMAN, DIRECTOR. ET REG. ACAD. TYPOGR.

*Ericus Fant*

VIRO PRÆCLARISSIMO,  
DOMINO  
*MAG. CAROLO GUSTAVO*  
*NORDIN,*

AD REG. GYMN. HERNOS.  
ELOQUENTIÆ ET POËSEOS LECTORI,  
*S. P. D.*

A U C T O R.

**A**b illo usque tempore, quo ad almam hanc Mu-  
farum sedem, TUO mihi frui licuit amicissimo  
consortio, invasit animu[m] tam alacri exemplo exci-  
tata cupidus, quidquid in potestate esset, ad patrias  
res illustrandas conferendi studii. In primis, id quod  
IPSE optime in memoriam revocare poteris, TUA  
tum assidua cura versabatur circa illa Svecanæ  
Historiæ monumenta, quæ maxime lucem aliquam  
desiderare videbantur, medii videlicet ævi; cuius quo-  
que, binis heic editis Dissertationibus Academicis, quæ  
illorum merito falseve suspecta fuerint, examinanti-  
bus; haut contemnendum specimen edidisti. Dolen-  
dæ vero potissimum nobis videbantur diplomatum no-  
stro-

strorum vices, utpote quorum, aut nondum in lucem  
protractorum, aut, per innumera fere sensim rare-  
fcentia scripta, velut nantium in gurgite vasto, diffi-  
cili non minus esset usus, quam aditus. Aperui ita-  
que, TE hortante, in Novellis Litterariis communis  
Fautoris nostri, Ampl. Dom. Assessoris & Bibliothe-  
carii GJÖRWELL, an. 1778, num. 76, meum qua-  
leculque de necessitate & indeole Corporis Diploma-  
tici Svecani consilium; tumultuarium illud quidem, nec  
ad ipsius rei dignitatem satis accommodatum; verum  
tamen quod postmodum intellexi historiæ patriæ ama-  
toribus haud omnino displicuisse. TE etiam svaden-  
te, quæ tum sine studio in chartam conjecteram, li-  
matoria jam & ampliori exposita commentatione ite-  
rum exhibeo; quod tamen non ita audacter asseve-  
ratum volo, quasi non multa ad rem facientia tra-  
stanta restarent, quis enim in argumento tantæ am-  
plitudinis & accurationis Criticæ quidpiam omnibus  
numeris absolutum se traditurum speret? sed quod,  
quæ per tenuitatem virium temporisque, aliis impen-  
dendi negotiis, angustiam dare potis fuerim, publicæ  
jam luci committam. Meliora certe præstare licebit,  
cum ad *Warmoltzianas*, *Celsianas*, *Bradianas*, am-  
plissimas illas & exquisitissimas, monumentorum ve-  
terum collectiones, publicus aliquando pateat aditus;  
cui vero, quamdiu temporum rationes eum exspe-  
ctare prohibeant, exiguae hæ curæ aliqua parte te-  
nus.

nus quasi præludant. Quantulæ vero cunque illæ sint,  
cui meliori jure dicarem, quam TIBI, inveni certe ne-  
minem; qui & IPSE egregiam prorsus symbolam ad  
illas contulisti, & quo hac in caussa acutiorem judi-  
cem, quod præfiscine dixerim, ego certe, cui opellam  
meam committam, non habeam. Ipsa autem operis  
instituti ratio in duas illud dispertit Sectiones, quarum  
hæc *Historica*, monumentorum nostrorum fata quæ  
fuerint, quibusve e fontibus potissimum hauriantur,  
attinget leviter; altera *Critica* artem, quam vocant,  
Diplomaticam Svecanam atque veram aëtorum vete-  
rum indolem dijudicandi rationem, stabilitis per  
accuratam eorum inspectionem certis regulis, si vitam  
viresque DEUS concederit, aliquando pro modulo  
monstrabit. Interea valeas, V. C. hæcque benignè in-  
terpreteris. Dab. Upsaliæ d. 1 Junii, An. MDCCLXXX.

CONSPECTUS  
REI DIPLOMATICÆ  
SVECANÆ

---

SECTIO PRIOR  
HISTORICA

---

S U M M A R I U M.

§. 1. *Fontes Historiae Svecanae editi & illustrati. Historiae Islandice. Leges vetustæ. Monumenta Runica. Breviaria & Missalia.* — §. 2. *Scriptores medii ævi & Diplomata collecta desiderantur. Aliarum in his genitium exempla.* — §. 3. *Quatuor Decades Scriptorum rerum Svecanarum medii ævi, ante editorum, ordine Chronologico dispositæ.* — §. 4. *Diplomata nostra conservandi studium a Cancellariis Regum, in templis & monasteriis, in Archivo Regni & Antiquitatum.* — §. 5. *Dispersa tamen a peregrinis Regibus, Pontificum Romanorum Legatis, Svecis exulantibus, feralibus incendiis, &c.* — §. 6. *Edita sparsim & diversis temporibus, intra vel extra patriam.* — §. 7. *Plena tamen illorum Sylloge, seu Codex Diplomaticus Svecanus a pluribus frustra meditatus.* — §. 8. *Collectiones Actorum publicorum post tempora GUSTAVI I.*

---

§. I.

*Fontes Historiae Svecanae editi.*

**L**icet id, felicitatis dicam an infortunii, genti Svo-Gothicæ haud umquam contigerit, quod validioribus fere omnibus per Europam aliis, Gallis puta, Hispanis, Anglis atque Germanis, accidisse novimus, ut viætricibus exterorum populorum, Romanorum Arابumve, armis fuerint subjugatae, quarum in litteratissimarum simul gentium scriptoribus aliqua nobis superesse

A

pos-

possit earum memoria a); suis tamen illam non destituī Historicis monumentis constat, quæ, si non antiquitate atque numero, fide tamen & auctoritate certent vel cum vetustissimis. Neque, in illis e tenebris eruendis atque publicæ committendis luci, suam desiderari paſſi sunt erudiſti nostrates industria, iis potissimum temporibus, quibus Svecanæ gloriæ apprime inservitrum putabatur, si non vicinas modo; fed & procul diffitas gentes antiquitate posset superare b). *Historia Islandicæ*, quibus primum, cui aliquid ponderis inest, in vetusta gentis nostræ historia deferimus momentum; id saltem nobis debent, quod non tantum earum fides, contra secus sentientes, optime sit munita c); sed & illarum haut paucæ non

a) Nil moramur que de Septentrionis, antiquiori ævo, habitu ex *Tacito*, *Julio Cæſare*, *Strabone*, *Pomponio Mela*, *Plinio*, *Selino*, *Claudio Ptolomeo*, *Ammiano Marcellino*, *Itinerario Antonini*, rel. adseruntur, quæque junctim edita dedit *Herm. Conringius*, *Helmsdadii* 1678, 4:0; quem, præterquam quod vicinam nobis Germaniam, maximam partem, spectent; vaga ideo atque intricata deprehendantur, ut, qui ex illis seſe explicare voluerit, plus insumere necesse habeat laboris, quam forte fructus reportaverit. Expertus hoc est, si quis alius, erud. *Gerb. Schöning*, qui veterum de Septentrionalibus oris narrationes omnium accuratissime excusſit in *Actis Litter. Societ. Hafniensis*, Vol. X. p. 206 & Vol. XII. p. I, sq. Lucisne aliquid ex illata reliquis Europæis gentibus per Gothos caligine foeneratura sit nostra Historia, adhuc sub judice lis est. Interim tamen illorum res gestas qui descriperint, auctores editos habemus a *Bonaventura Vulcano*, *Lugd. Bat.* 1597 & 1618, Volls. II, in 8:0, atque *Hugone Grotio*, *Amstelod.* 1655, 8:0.

b) Dolendum vero est, a Saxone usque Grammatico & Johanne Magno repetenda, Dania Sveciæque eruditæ de prærog tñ a antiquitatis diffidia impediisse, quo minus critico judicio animoque a partium studio vacuo uterentur suis in laboribus antiquarii nostrates, ad finem potissimum vergentis proxime præterlapsi seculi, laudabili alias industria & munificentia vere regali, ad eos adornandos, instructi. Hisce quippe maxime lapides codicisve male lectos, monumenta fictitia & per crines tortas genuinorum explicationes accepta referimus.

c) Nob. *Lagerbring*, Dissert. de fide monumentorum Islandicorum, *Lond. Goth.* 1763. 4:0, & Præf. ad Hist. *SvioG.* Part. I.

non exigui pretii primam his in oris lucem adspexerint d). Quum vero non, nisi ex incidenti, res Svecanas tractent pleraque; Norvegica vero & Islandica ex instituto, majorque codicum e) & interpretum indigenarum facilior in vicina Dania copia haberi possit; melior etiam his antiquitatum Septentrionalium curis ibi quidem locus esse videtur, in primis si, quemadmodum exorsi sunt, easdem agere perrexerint illustris Legati Magnæani Curatores f). Proxime autem, ut ad nos revertamur, Islandorum historias, sive auctoritatem, sive ætatem spectaveris, excipiunt *vetustæ Leges*, quas, licet litteris consignatas ante Christianismi his in oris tempora adstruere non audeamus g); haut multum tamen a gentilismo distanti ævo collectas, antiquum populi genium & mores quavis pagina loqui manifestum est. Proinde etiam non plures tantum inter nos adgressi sunt histori-

A 2

am

d) Ut taceamus duplcam *Sturlesonianæ Historiæ* editionem, Sveciam alteram *Rugmanni*, *Wilsingsborg*, 1670, Fol. alteram Islandicam, cum gemina versione, *Peringskioldii*, Stockh. 1697, Voll. II. Fol. primamque partem *Eddæ*, ex codice Biblioth. Upsal. editæ a *Job. Góransson*; Upsal. 40, XIX monumentorum Islandicorum in Svecia editiones, post Brocmannum in præf. ad *Historiam Yngvari multivagi*, recenset summe rev. D. D. v. *Troil*, *Bref rörande en resa til Island*, p. 147, quarum tamen uns, a *Björnero* videlicet, sub titulo *Nordiska Kämpa-dater*, evulgata plures Historias complectitur.

e) Supersunt tamen adhuc plura apud nos inedita, in Bibliothecis regiis Stockholmensi, cui ex Archivo antiquitatis immigrarunt nuperrime & Upsaliensi, donatione *Dela Gardiana* Danicis his spoliis olim ditata.

f) Institutum suum aperuere illustres hi Se-viri, in præfatione ad *Kristni-Saga & Þastr af Isleif Biskupi*, quam speciminis loco edidere Hafnia 1773, 80, aliis dein minus terris comitibus exceptam. Quid vero in Dania possit privata etiam industria, principum liberalitate suffulta, abunde loquitur splendidissima illa *Historiæ Sturlonis* editio, sumtibus *FREDERICI Princ. Hered.* a *Gerb. Schöning* emissa, Hafnia 1777, 78, Voll. II, & quæ sequentur in forma, quam diuent, maxima.

g) Optime antiquariis nostris hunc errorem exemit *Rabenius*, libro infra citando.

am illarum contexere *b*; verum etiam tam quæ singula-  
rum provinciarum fuerint antiquitus, quam quæ ex his  
conflata sint totum SvioGothicum imperium spectantia  
Systemata, typographorum operis saepius repetita prodie-  
runt *i*). *Runicā monumenta* nos forte præteriisse dixeris.  
At quanta illa duritie temporis injuriam sustinere possint,  
quamque gratum curiosis oculis spectaculum præbeant,  
rudis ceu vetustatis sine exemplo reliquiæ; tam nuda quo-  
que atque jejuna fateamur, necesse est, si rerum, quas  
animis legentium conspiciendas subjiciunt, rationem ha-  
beamus; utpote quæ in nominum defuncti atque scul-  
pto-

*b) Stiernbōök de Jure Sveonum & Gothorum vetusto Libr. II.* Holm.  
1682, 4:o: *Wilde om Sveriges beskrifna Lagars grund och upprinnelse*,  
Stockh. 1736, 4:o; omnium vero ut recentissime, ita accuratissime Ol.  
Rabenius, *de Fatis Litteraturæ Juridicæ in Svecia*, cuius operis, per mor-  
tem auctoris abrupti, non nisi Sectionem I, quæ Leges non scriptas tra-  
stat, nec illam plenam habemus.

*i) Illarum indicem, quum non satis accurate ab auctore anonymo,*  
*Historisk Beskrifning om Sveriges Landskaps Lagar &c.* Stockh. 1775, 8:o,  
sit traditus, nec alibi, quod scimus, reperiatur, compendiarium dabimus.

1. *Uplands Lagen*, Lat. versa a Lundio, Ups. 1700, fol. Junctim cum
2. *Öft. Götha &*
3. *Helsinga Lagen* Stockh. 1643, 4:o. 1650, 12:o 1665. fol.
4. *West-Götha Lagen*, Stockh. 1663. fol. Lat. Ups. f. a. fol.
5. *Sudermannia Lagen*, Stockh. 1666. fol.
6. *Westmannia Lagen*, ibid. e. a. fol.
7. *Dale-Lagen*, Stockh. 1676. fol.
8. *Skåne-Lagen*, ibid. e. a. fol.
9. *Björkös Rätten*, Stock. 1687.
10. *Gothlands Lagen*, ibid. e. a.
11. *Wishy Stads-Lag*, ibid 1688.
12. *Wishy Sjö-Rätt*, ibid. 1689.

Haut vero incongruum esset, si quis antiquarum harum legum eas tan-  
tum partes, in quibus a se invicem discrepant, collectas adhuc daret;  
quale opus, post absolutam egregiam Legum Danicarum historiam, quod  
ad illas veteresque Islandicas attinet, illustr. Kofod Ancher meditari didi-  
cimus ex præf. *Submij ad IV Tomum Scriptorum a Langebekio editorum.*

ptoris sola recensione subsistant, ne annorum quidem, quibus uterque vixerit, addita mentione. Nefas nihilo minus fuisse & eruditio Septentrioni minus honorificum, si, rudiora licet, hæc monumenta, quorum tam amplum numerum solus ille possideat, quæque, in eorum atatem si inquisiveris, octo saltem & quod excurrat, antevertant Secula, lectores disiderassent & interpretes; quapropter haut mirandum, in eadem edenda atque explicanda involasse quasi Criticos nostros atque antiquarios, obstetricsque manus libenter illis porrexisse k). Inter collectiones inscriptionum Runicarum, post *Buræi l)*, *Hadorpbii m)*, *Verehii n)* *Peringkiöldii o)* *Celsii p)* *Brocmanni q)*, particulis tantum illarum impensas, curas eminet omnium plenissima *Göranssoniana*, *Bautil dicta*, in qua supra MC lapides delineatos conspexeris r). Historia vero Runarum, quum, post *Buræi somnia s)* solidosque *Verehii t)* *Celsiorumque u)* labores, dignam, quæ suis quoque

A 3

ob.

k) Recensionem illorum fistit *Erichson* in *Bibliotheca Runicæ*, Gryphisv. 1766. 8:o, emendatus tamen in multis a Critico, in *Antwort auff die Frage*, &c. ibid. e. a.

l) Ad historiam Gothrici & Rolfonis a *Verehio* ed. Ups. 1664, 8:o.

m) Färentuna Härads Runttenar, Stockh. 1680 fol.

n) Manuductio ad Runographiam Scandican, Upsal. 1675, fol.

o) Monum. Upland. per Thiundiam, Stockh. 1710 fol. Ullerakeren, sia, ibid. 1719 fol. Åttar-Tal för Svea och Götta Konungahus, Stockh. 1725, fol. & ad vitam Theoderici, Stockh. 1699, 4:o.

p) In Actis Literariis Sveciae passim.

q) Ad historiam Yngvari multivagi, Stockh. 1762 4:o.

r) Stockh. 1750 fol.

s) Horum largam messem habemus, ex qua *Runa-känslones Låre. spdn*, Ups. 1599, 4:o *Runa A B C Boken*, Stockh. 1611, 8:o. *Runam reducem*, ibid. 1636 nominasse sufficiat.

t) Libro supra cit.

u) *Magni Celsii de Runis Helsingicis Oratio*, Ups. 1707, 8:o, & *Oreades Helsingicæ*, dissert. Acad. ibid. 1710, 8:o; utrumque opusculum editum a filio Ol. Celfo, Sen. eius & ad illud Supplementum insertum Nov. Act. Litt. Soc. Scient. Ups. V. I. p. I.

observationibus illustraretur, eam judicaverit nob. *Ibre* v), majorem quidem lucem vix in posterum videtur exspectare posse, nec desiderare. Gemina his, si ad Historicum usum adrendatur, coronidis loco jungamus, toto licet cœlo alias diversa *Breviaria* x) & *Missalia* y), quorum illa historias Biblicas & Sanctorum, etiam nostratium, majoribus nostris in festis diebus prælegendas; hæc in ecclesia præcinnendas insulsas Symphonias exhibentia, nil, præter ritus sacros & superstitionem pristinam, illustrant, chronologica simul accuratione destituta; utraque tamen typis exscribere prima restauratorum in Svecia litterarum cura fuit atque meritum z).

### §. II.

#### *Collectio Scriptorum medii ævi & Diplomatum desiderata.*

Hæc qui consideraverit, primo quidem intuitu facile potuerit existimare, in aprico posita jam esse singula, quæ ad Svecanæ gentis historiam illustrandam faciant, neque superesse futuris antiquitatum patriarcharum amatoribus aliquid, quod eorum industriam perspicaciamve merito depositat. Verum enim vero quantum præcipiti hoc iudicio fallat & fallatur, reperiet haut difficilius, si in ea, quæ ex medio, quod dicunt, ævo nobis restent, monumen-

v) *Diff. Acad. de Runartum patria & origine*, Ups. 1770, *de Runarum in Svecia antiquitate*, ibid. 1769 & *de Runarum in Svecia occasu*, ibid. 1771, 73. 4:o.

x) Edita ex his sunt *Breviarium Aboense*, Lubec. 1488. fol. *Lincopense*, Nürnberg. 1493, 8:o. maj. *Strengnense*, 1495, 4:o. *Upsalense*, Stockh. 1496, 8:o. maj. *Scarense*, Nürnberg. 1498, 4:o. *Arosense*, Basile. 1513, 8:o. maj. *Lundense*, Paris 1517, 8:o.

y) Ex his prodierit *Missale Strengnense*, ed. 1487 fol. *Upsalense*, Basile. 1513 fol. *Lundense*, Paris 1514, fol.

z) Ampliorem illorum recensionem tradit v. *Stiernman*, *Tal om Lärda Vetensk. tillstånd i Sverige*, p. 59. sq.

menta animum adverterit, quantaque in illis consulendis laboremus difficultate, secum reputaverit. Medii ævi terminis optime apud nos circumscribi videtur illud temporis spatium, quod a primo *Ansgarij* has in oras adventu ad sceptrā a *GUSTAVO I* immortalis memoriae cappessitā defluxit, seu quo floruit religio Romano-Catholica. Prima scilicet ab initio hujus ævi, certiora quidem, sese inter nos conspicienda præbent artis scribendi indicia, quam, paullum progrediente ætate, ut in aliis gentibus, ita in hac quoque, memorabilibus factis calamo excipiendis, rebusque & contractibus majoris momenti memoriae posteritatis transmittendis applicere Monachi & Clerici, unici illi quidem horum temporum Historici. Hinc duplex emergit monumentorum medii ævi, proprie dictorum, ad nostram usque ætatem propagatum, genus; alterum, quod Chronica, annales, regum series, Legendas, vitas, Necrologia, Genealogias, Topographias, horumque omnium fragmenta complectens, communi *Scriptorum* nomine insigniri solet; alterum, Bullas, litteras regum principumque virorum, pacta, fœdera, statuta & quæcunque alia publico privatove nomine in republica concinnari solent, suo comprehendens ambitu, ab ipsa forma *Diplomatū* titulo appellatur. Cujus autem momenti hæc fint in consignanda gentis nostræ historia, facile competet, qui cogitaverit, integrum illam medii ævi, si nonnulla Islandica exceperis, ex illis fere unice esse hauriendum. Neque his eum in finem colligendis atque magnam partem etiam edendis suam operam denegarunt nostrates, id quod in posterum melius videbimus; sed sparsis adeo & sine prævio Critico examine admissis, ut per scriptorum fere myriadas primum vagari, dein de fide & auctoritate cujusque monumenti anxie dubitare & tum demum ad ipsa autographa, haut facile obvia, confugere necessum habeat, quicunque eadem consulere vo-

luerit veritatis Historicæ studiosus. Eo vero magis mirandum est, plenam & Critice tractatam Scriptorum atque Diplomatam medii aevi collectionem adhuc inter pia desideria a) apud nos subsistere, quum nulla fere per universum, qua patet, Europæum orbem cultior gens sit, quæ tali etiamnum careat. Etenim de scriptoribus si primum instituitur quæstio; non *Itali* b) tantum, *Galli* c) atque *Britanni* d); sed & *Belgæ*, *Hispani*, *Poloni*, *Bohemii*, *Hungari* e) eos junctim editos ostentare possunt; vicinos *Muscovitas* f), *Germanos* g) *Danosve* ne memorem; quorum illi hoc in stadio diligentissimi, hi recent-

a) Cfr. nob. *Lagerbring*, præf. ad Encyclopæd. Svecicam & ad Historiam Suam Svecanam, Part. II.

b) Notissima sunt *Muratorii*, *Græviique* & *Burmanni* Collectiones, quarum illa XXVIII; hæc XV voluminibus maximæ formæ absolvitur.

c) Præstantissima judicatur *Andreae du Chesne* collectio, V. voll. in fol. Magni quoque aestimantur, nondum nobis visi, *Bouqueti* Scriptores Gallici.

d) Novem præstantissimas Scriptorum vetusti & medii temporis Britannicorum collectiones recenset *Struvius*, Biblioth. Hist. T. I. p. 571.

e) *Franco. Svertio Belgæ*; *Joh. Pistorio Poloni*; *Marqu. Frehero Bohemi*; *Jac. Bongarsio Hungari* seorum medii aevi Scriptorum collectiones debent. Hispanos habemus ex Bibliotheca *Rob. Beli* & in *Hispania Illustrata*.

f) *Francof.* 1600, fol.

g) Nullius sane gentis, in conquiriendis antiquis suis monumentis, industria conferri potest cum Germanorum, utpote quorum haut pauciores, quam XIX diversas Historicorum, integrum gentem spectantium, collectiones in Bibliotheca sua recenset *Struvius*. Eminent inter has *Sim. Scbardii*; *Joh. Pistorii*, *Marqu. Freheri*; *Erpoldi Lindenbrogi*, in qua multa ad res Septentrionis; *Henr. Meibomii*, *Joh. Burch. Menkenii*; *Joh. Petr. de Ludevig*. Ex illis autem, quæ singularem aliquem imperii Rom. Germ. Statum adtinent, qualium quidem numerus quotidie augetur, exempli loco memorandi sunt *Godofr. Guili.*, *Leibnitii* Scriptores rerum Brunsicensium, Hannov. 1707-1711, Voll. III. fol. ad quos eruditissima Editoris introductio in primis testatur, quam omnis cognitionis humanæ ambitus capacia sunt divina ingenia.

centissimi suere b). Ad Diplomata quod attinet, non tantum generales, quæque omnes gentes tangunt, eorum Syllogas habemus i), que etiam colligendi cura, ad recentiorum temporum historiam posteris tradendam, novissima acta publica complectitur k); sed & suæ quique genti proprias jactare possunt *Lusitani*, l) *Angli* m), *Gallici* n), *Itali* o), *Germani* p); quin & in *Dania* tale quid-

B

pi-

b) Scriptores rerum Danicarum medii ævi, editi a *Jacobo Langebek*, Hafn. 1771 - 76, Voll. IV in fol. quorum, post prioris Editoris mortem, ultimum emisit illustr. *Submius*, qui in prefatione spem facit, adhuc IV minimum aut V volumina sumtibus regis proditura. Eadem munificencia sublevatus *Langebekius* bina in Sveciam itinera instituit, multaque ex Archivis nostris suo instituto inservitura depromisit. Borum quæ Daniam spectant gentem, optimo quidem jure locum suum in illius collectio- ne tuentur; sed nonnulla sunt, quæ forte meliori inter Scriptores Svecicos quereres. E. gr. In Vol. I. *Anonymi veteris Suetbi Chronologia rerum in Suetbia gestarum ab 826 ad 1415*. p. 387. Series regum Suetbiorum a *Ragnar Lodbrok* ad *Birgerum Magni filium*, p. 12. & in vol. IV. *Incerti Scriptoris Sveci Chronicorum ab an. 1160 ad 1320*. p. 588. *De S. Erico rege & martyre*, ex codice *Bildsteniano*, p. 596, & quæ sunt reliqua.

i) Primas etiam hac in parte dicit *Leibnizii Codex Juris Gentium Diplomaticus*, Hannov. 1693, cum *Mantissa*, ibid. 1700, fol. Notissimæ sunt istiusmodi Collectiones a *Barbeyrac*, (progreditur illa ab an. 1496 ante n. C. ad mortem Caroli M.) *Du Mont*, (a. C. 800 - 1731); *Rouffet*, (a Pace Ultraj. ad Secundum Congr. Cambrensis), *Lamberry*, (a. C. 1700 - 1738); *Vittorio Siri Memori*, (a. C. 1601 - 1640) & *Mercurio*, (a. C. 1640 - 1655), curate. Neque reticenda *Theatrum Europæum*, (1617 - 1718). *Diarium Europæum*, (1657 - 1680); *Europæische Fama* (1702 - 1748); *Europæische Staats-Canzleij* &c. quæ omnia Acta Publica continent.

k) Memorandum tantum *Mercure Hist. & Pol.* incepitus 1686.

l) *Collecção dos Documentos &c. da Academia da Historia Portugueza*, Ulyssiponi, 1721 - 29. Voll. VIII. fol.

m) *Rymeri Foedera*, *Dav. Wilkins Concilia*, *Andersonii Diplomaticum Scotiæ Thesaurus*, e. gr.

n) *Steph. Baluzii Capitularia regum Francorum*, e. gr.

o) *Job. Christ. Lünig*, *Codex Italiæ Diplomaticus*, Voll. IV, fol.

p) *Eiusdem Deutsches Reichs-Archiv*, Voll. XXIV, fol. & *Codex Germanicæ Diplomaticus*, Voll. II. fol. Qui innumeræ fere species Germanorum diplomaticum collectiones cognoscere aveat, adire potest *Biblio-*

piam cum fructu nuperrime meditatum novimus q). Quum vero omnis hisce monumentis desit auctoritas, nisi Critice fuerint examinata atque suis genuinis restitura temporibus; mirum, quantos quidem recentiori tempore apud exterios progressus ceperit *Ars Diplomatica r)*, cuius ad Svecanas res applicatae nos ne prima quidem rudimenta habemus.

### §. III.

#### IV Decades Scriptorum rer. Svecic. medii ævi.

Ne vero alicui forte in mentem veniat, deesse omnino nobis subsidia, quibus tot tantaque exterarum gentium hac in re premamus vestigia, neque eam Scriptorum inter nos medii ævi copiam esse, quæ justum istiusmodi eorum Corpus efficere possit; e notissimis tantum, quique aliorum opera lucem antehac, sparsi licet, fuerint naæti, quatuor exhibebimus eorundem Decades. Non diffitendum quidem est, nudis Catalogis, jejunis Chronologiis atque haut multum frugi continentibus Sanctorum Episcoporumque Historiis illas, maxima ex parte, absolvı; quum vero nihilo minus aliqua, quæ temporum, ad quæ pertinent, dispergant caliginem, insperfa

---

*thecam Diplomaticam*, quæ primam Clavis Diplomaticæ *Baringianæ* partem constituit.

q) Illud edocemur ex laudata p̄fatione *Submii*, ubi narratur, Cel. Schöningium, post editionem Scriptorum ad finem perductam, adgressum magnum Opus Diplomaticum, a viris summis Job. Grammis & Jac. Langebekio cœptum, multaque millia continens Diplomatū, literarū, regiorum mandatorum &c. a Sec. XIII inenante usque ad nostrum inclusive, ad Daniam, Norvegiā & Holsatiam pertinentium, regiis sumib⁹ edendum.

r) Ut Papebrochii *Mabillonique* antiquiores euros prætereamus, notum, quid nostro tempore hac in re præstiterint bini *Patres Benedictini*, Germaniæque eruditæ, *Baringius* & *Gattererus* potissimum. An' vero omnibus arrideat vel extricabilis sit, quem hic in artem primus Diplomaticam intulerit, *Linnaeismus Græbicus*, haut dixerimus.

sa habeant; non ideo rejiciendas suisque tenebris redendas unicas has, quas habemus, medii ævi reliquias, quilibet, vel nobis non monentibus, æquus earum censor judicaverit. Disposuimus vero illas, Hambergeri exemplum secuti s), ordine, quantum fieri potuit, Chronologico, utpote quem, ubi haberi possit, tali in Sylloge commodissimum judicamus, additis nonnullis, de editiōnibus illarum atque commentatoribus, levissimis observationibus. Ex vero illas:

Incipiunt Ab imperii initiis.

I. Catalogus regum Sveciae paganorum pariter & Christianorum.

Ex Codice Membranaceo ecclesiæ Upsaliensis, vulgo *Registrum Upsaliense* dicto, & an. 1344 exarato, editus ab *Erico Benzeltio*, jun. in *Monumentis Vet. Ecclesiæ SvioG. Upf. 1709*, 4:o, pag. 68, Excerptum vero ex eo accuratius lecto dedit *Langebekius*, Script. rer. Danic. T. IV. p. 619. Illustratus est a *Benzeltio*, in *Prolegomenis ad Monum. p. 17* & nob. *Lagerbring*, in præf. ad *Historiam Svec. P. I. p. 11. sq.* Definit in an. 1396.

II. Tben Gamble Svenske Chrônika; Cronicon Vetus Svecianum.

Editum, una cum proxime sequenti, a Job. *Messenio*, Stockh. 1615, 8:o, recusum ibid. per *Meurerum*, 1643, 8:o. Novam editionem ex meliori codice, cum versione Latina & notis, an 1690 meditatus *Hadorphius*, cuius bina exempla, licet ad finem non perducta, inter *Hadorphiorum collectiones*, servat Bibliotheca regia Stockholmensis. Illustravit nob. *Lagerbring*, in præf. cit. & von *Stiernman*, *Tal om Lånda Vetenſk.* p. 92. Definit pri-

s) Directorium Historicorum, medii potissimum ævi, Gottingæ 1772, 4:o. Secuti de cetero sumus in hac recensione, temporis supputandi rationem, a nob. *Lagerbring* in Hist. Svec. exhibitam, ceu optimam, quam hæcenus quis ediderit.

mum cum *ÆMUNDO SLEMME*, dein a recentiori quodam auctore productum in tempora R. CAROLI CANUTI, id quod ex mscr. codice constat, a Job. Buræo R. Antiquitatis Archivo illato an. 1619, cuius inter thesauros adhuc servatur; ab editore autem *Messenio* ad an. 1611, in impresso continuatum.

III. *Then Gamble och minsta Svenska Rym-Krönikan; Vetusum Chronicon rythmicum Svecanum minus.*

*Ericum Olai*, Decanum Upsaliensem, nonnulli auctorem existimant; usum eodem certe constat in Historia sua *SvioGothica*. Alii, ut *Schefferus & Er. Benzelius*, Hist. Svec. p. 63, *Messenii* in fronte codicis annotationem sequuti, *Laurentium*, *Canonicum Arosiensem*, qui vixit 1481. Refelluntur tamen hi a v. *Stiernman*, l. c. p. 98. Primus edidit, una cum proxime præcedenti, *Messenius* 1615, recusum 1643; correctius vero, cum *Chronico rythmico majori*, a Job. *Hadorpbio*, Stockh. 1674, 4:o. Illustrationis ergo videndi, præter *Benzelium* & v. *Stiernman*, locis supra cit. nob. *Lagerbring* in alleg. præfatione & *Renbielmius*, in notis ad Hist. *Olai Tryggvasonii* ab Odone p. 40. Definit ipsum *Chronicon*, primum *Petro* cuidam *Braffonis*, dein ab an. 1617 Job. *Messenio*; jam vero Bibliothecæ Stockholmieni proprium, in an. 1448.

IV. *Historia Svecorum Gotborumque, per Ericum Olai, S. Theologie Doctorem & Ecclesiæ Upfalenfis Decanum.*

Auctor obiit 1486. Primum edita a Job. *Messenio*; Stockholm. 1611, 4:o. Secundum a Job. *Loccenio*, brevibus tum notis illustrata, Stockh. 1654, 8:o. Svetice versa a Job. *Sylvio* prodiit Stockh. 1678, 4:o. Novæ autem, si adornaretur, editioni inservirent *Magni Celsii Variantes & Additamenta* ad hanc Historiam ex tribus Codd. mscr. conscripta 1746, quorum exemplum possidet Biblioteca Cronstedtiana, munificentia august. REGIS Aca-

de-

demiæ Upsaliensi donata. Horum codicum binos servat Bibliotheca R. Stockholmiensis, vetustiorem alterum, a Regni Drotfeto & Senatori *Petro Brabe, Arnoldo Job. Messenio* donatum; alterum recentiorem, an. scil. 1556 descriptum. Illustrata præterea a v. *Stiernman*, l. c. p. 94. Desinit vero in an. 1464.

Incipiunt a rege OLAVO SKÖTKONUNG, circa an. 990.

#### V. *Vetus Catalogus regum Sviogothicorum.*

Ex veteri codice Legum Vestro-Gothicarum, in Bibliotheca Regia Stockholm. adhuc servato, 1:0 edidit, una cum ipsis Legibus & duobus proxime sequentibus Catalogis, *Georg. Stiernbielm*, Stockh. 1663, fol. 2:0, una cum iisdem, versione Latina donatum a *Job. Loccenio* notisque *Car. Lundii* illustratum, f. a. Ups. *Ol. Rudbeckius*, fol. 3:0, notis Criticis explicatum Generosis. *Job. Ibre*, Dissert. Acad. Ups. 1752-1755, 4:0. Minutiora sunt, quæ contra ultimam hanc editionem adfert nob. v. *Stiernman*, cit. loco, p. 81, quæque habent, inde originem referentia scripta Eristica, quæ tamen, Catalogi ipsius illustrandi ergo, conferri possunt. Desinit in R. JOHANNEM SVERKERI, mortuum an. 1222, in quo velut consulto incipit Chro- nicon Rhytm. majus.

#### VI. *Catalogus Legiferorum Vestro-Gothicæ.*

Ad calcem Legum Vestro-Gothicarum, una cum priori, editus a *Stiernbielmio Rudbeckio*. Dein vero accuratisime illustratus ab *Ol. Rabenio*, Diss. Acad. Ups. 1768, 4:0. Incipit a *Lumbero*, de cuius ætate non constat, licet illum Sec. X ineunte vixisse putet *Rabenius*. Desinit in *Folkonem*, Legiferum ad finem Seculi XIII, cumque ultimi duo recentiori manu sint additi, auctorem ineuntem hoc Seculo regnanteque ERICO BALBO floruisse, haud absurda conjectura assequimur.

VII. *Catalogus Episcoporum in Svecia, praesertim in Vestro-Gothia.*

Cum præcedentibus editus a *Stiernbielmio Rudbeckio*que; dignus vero, qui alterius *Ibrii Rabeniive* repetitas curas nanciseretur. Definit in *Stenarum*, XVII:rum Scarensem Episcopum, dimissum an. 1237. Omnes vero hi Catalogi vetusta lingua SvioGothica conscripti.

VIII. *Catalogus regum Sveciae.*

Ex membranis Biblioth. Upsal. Num. LXX edidit *Benzelius* in *Monumentis*, p. 17. illustravit in *Prolegomenis*, p. 3. Definit in *Coronationem WALDEMARII*, an. 1250.

IX. *Regum Sveciae Catalogus alias.*

Ex vetusto codice Biblioth. Upsal. Num. XV editus in *Monumentis* p. 18 & illustratus in *Prolegomenis* p. 4, a *Benzelio*, qui eum scriptum judicat circa an. 1380, regnante ALBERTO. Alia vero manu continuatus definit in *CHRISTOPHORUM Bavaram*, regem Svec. an. 1441.

X. *Series regum Sveciae Christianorum.*

Ex veteri membrana, una cum brevi *Chronico Archi-Episcoporum Upsaliensium* infra recensendo, notisque suis edidit *Ol. Celsius*, Upsal. 1705, 8:0, & auctorem floruisse putat circa an 1300. Illustratur a *v. Stiernman*, l. c. p. 85. Definit in *MAGNUM LADULAS*, Sveciae regem an. 1275.

XI. *Incerti Auctoris Chronologia brevis rerum Sveciarum.*  
Ex codice mscr. olim cœnobii Vadstenensis, nunc Bibliothecæ Upsal. Num. XXXVI, cuius auctor medio Seculi XV vixisse putatur, edita a *Benzelio*, in *Monum.* p. 100, illustrata in *Prolegom.* p. 25, definit in an. 1450.

XII. *Historia S. Sigfridis Episcopi & Confessoris.*

Ex antiquo codice suo mscr. edidit *Benzelius* in *Mon.* p. 1. existimans eam ineunte Seculo XIII scriptam, auctorem que ejus primum, qui Latina lingua exaratum aliquod apud nos reliquerit. *Proleg.* p. 1, 2.

XIII.

XIII. *Vita S. Sigfridi Episcopi & Confessoris.*

Ex vetusto codice mscr. Biblioth. Upsal. Num. XV, collato cum alio sub Num. XXIII, edita a Benzolio in Monum. p. 21, illustrata in Prolegom. p. 13.

XIV. *Series Successorum aliquot S. Sigfridi in Episcopatu Wexionenfi.*

Ex eodem codice, in quo ad calcem Vitæ S. Sigfridi exstat, edita a Benzolio, in notis ad Västovii Vit. Aquil. p. 77 Desinit in Åzerum, Episcopum, mortuum 1287.

XV. *Bis cop Brynolph then Tridies Chrōnika om alla them, som förr bonom uti Schara varit Bis copar; Chronicon Episcopi Brynolphi III. antecessorum suorum in Episcopatu Scarenfi, rhytmis Svecicis.*

Auctor floruit an. 1480. Ex gemino codice edidit Benzelius in Monum. p. 72 & illustravit in Proleg. p. 18. Desinit cum ipso Auctore.

XVI. *Nomina Episcoporum Lincopensium.*

Ex Codice mscr. Bibl. Upsal. Num. XV edidit Benzelius in Monum. p. 19 & illustravit in Proleg. p. 5. Desinunt eum Henrico Tidemannni, Episcopo electo an. 1465.

XVII. *Chronica Episcoporum Lincopensium, paa Swensche, rhytmis Svecicis.*

Edita 1:o Sudercopiæ 1523, 8:o, per Olavum Ulrici Presbyterum; 2:o a Benzolio, in Monum. p. 115, ex triplici codice mscr. sed nondum visa priori editione. Illustrata in Prolegomenis, p. 30. Desinit in an. 1513, dein a Jona Petri Klint, Pastore in Sten Ostro-Gothiæ, continuata ad an. 1605.

XVIII. *Petri Andreæ Nigri Historia om fordna Westerås Stifts Bis kopar; Historia veterum Episcoporum Arosiensium.*

Primum rhytmis Latinis conscripta a Decano quodam -- Ragvaldi, aliisque ejus continuatoribus, dein in Sve-

canam lingvam translata a Petro Nigri Episcopo Arosiensi, circa an. 1560; quam versionem, cum notis edidit v. Stiernman, Stockh 1744, 4:0, ex veteri excerpto codicis membranacei Capituli Arofientis. Definit in an. 1534.

**XIX. Vita S. Escilli, Epistoli & martyris.**

Auctor nonnullis videtur S. Brynolphus I. Episcopus Scarensis. Ex codice vetusto mscr. Biblioth. Upsl. Num. XV edidit Benzelius in Monum. p. 29 & illustravit in Proleg. p. 12.

Incipit    circa an. 1085.

**XX. S. Ragnildis reginae Sveciae Epitaprium.**

Ex vetusta membrana Biblioth. Templi Cathedralis Strengenesensis dissertationum suarum de Palæstina posteriori p. 150 inferuit Jac. Benzelius. Edidit dein in notis ad *Vastovium, Er.* Benzelius p. 80, qui etiam ibid. p. 48 S. Ragnildem an 1085 decepsisse existimat.

    circa an. 1100.

**XXI. Genealogia Ingeburgis, Ingonis Regis Sveciae pro sapie.**

Ex codice mscr. communicatam a Stephano Job. Stephanio 1:0 edidit Henr. Ebrnftius, in notis ad vetus Chronicum Ecclesiæ Laudunensis, Cap. 6. 2:0 nob. Lagerbring, Hist. Svec. P. II. p. 40.

    circa an. 1130.

**XXII. Incerti Scriptoris Sveci Cronicion primorum in ecclesia Upsaliensi Archi-Episcoporum.**

Ex vetusta membrana, una cum num. X, Ol. Celsius notis illustratum edidit Upsal. 1705, 8:0, scriptumque putat circa an. 1300.

**XXIII.**

XXIII. *Chronicon vetus de Episcopis, Archi-Episcopis, Praepositis, Archi-Diaconis, Canonicis &c. ecclesiæ Upjalenfis.*  
Inceptum ab anonymo, circa medium Seculi XIV, & ab aliis postea continuatum, ex registro, quod antea memoravimus, Upsaliensi primum edidit Job. Schefferus, Upsal. 1673, 8:o, cum notis; dein, ipso codice accuratius inspecto, Benzelius in Monum. p. 37, illustratum in Prolegom. p. 13. Definit autem in Joannem Benedicti de Salestad, confirm. an. 1449.

Ab anno 1150.

XXIV. *Catalogus & ordinaria Successio Episcoporum Finlandensium.*

Auctor Paulus Justen, Episcopus Aboënsis, obiit 1576. Editus cum notis in Nettelbladt Schwedische Bibliothek, P. I. p. 62. Definit in an. 1560.

Circa an. 1155.

XXV. *Vita S. Erici Regis Sveciae &*

XXVI. *Miracula beati Erici regis & martiris.*

Auctor Israël Erlandi, Ordinis minorum Monachus & Prior monasterii Sigtunensis, posteriore libellum composuit an. 1314. Editus uterque a Job. Scheffero, Stockh. 1675, 8:o, cum brevibus observationibus; iterumque Antverpiæ 1685, in Tomo IV mensis Maji *Actorum Sanctorum*, p. 187, ex codice Reginæ CHRISTINÆ. In plurimis exactior hæc editio, quam Schefferiana, plenior etiam in nonnullis; prior tamen longe plura habet, testante Langebekio, Script. rer. Dan. T. IV. p. 597, ubi vitam S. ERICI Svecicam ex codice Bildsteniano per nob. Lagerbring communicatam, inseruit, de qua conf. hujus Hist. Svec. P. II. p. 152 & binas Hallenbergii Dissert. de Nobilibus in Svecia Litteratis, p. 21. sq.

XXVII. *Vita & miracula S. Henrici, Episcopi & martyris.*

Ex codice msgr. Bibl. Ups. Num. XV edidit Benzelius in Monum. p. 33 & illustravit in Prolegom. p. 13.

**XXVIII.** *Vita & miracula S. Helenæ Skedvienſis.*  
Auctor putatur *Brynolphus* I. Scarenſis Episcopus. Edidit  
*Forsenius* in *Diss. de Skedvia*, Upl. 1736, 4:o, P. II. p. 59.  
Ab an. 1160.

**XXIX.** *Incerti Scriptoris Sveci Chronicon rerum SveoGotbi-  
carum ab an. 1160 ad 1320 gestarum.*

Editum cum notis ab *Olof Celsio*, *Diss. Acad. Upl.* 1705,  
8:o. Insertum dein *Tomo IV Operis Langebekiani*; sed  
non nisi illis prioris editoris retentis notis, quæ Danicas  
res spectarent. Auctorem floruisse putat *Celsius* circa an.  
1300.

Ab an. 1222.

**XXX.** *Then Gamble och wydlöftige Rym- Krönikan öfver 22  
Svea ock Götba Konungar och Höfdingar; Vetus Chroni-  
con rytmicum majus XXII regum ac principum Sviago-  
thicorum.*

Incepit tempore regis MAGNI ERICI, dein a quinque  
aliis continuatum. Editum 1:o, quoad partem, ad an. scilicet  
1439, a *Job. Messenio*, Stockh. 1616, 8:o, sub titulo: *Then  
gambles Rym- Krönickes första del*; 2:o, Sex collatis codici-  
bus, ex quibus *Codicem Regium III, Rålambianum* atque *Bu-  
ræanum* in R. Bibliotheca Stockholmensi adhuc superesse  
novimus, a *Job. Hadorphio*, una cum num. III, Stockh.  
1674, 4:o. De subsidiis ad novam & pleniorem editio-  
nem parandam conf. *Lagerbring*, Handl. i Sv. Hist. P. I.  
p. 59. sq. Desinit ultima continuatio in **CHRISTIERNUM**  
II, expulsum 1519.

Ab an. 1248.

**XXXI.** *Vita beati Brynolphi condam Episcopi Scarenſis.*  
*Brynolphus* natus 1248 obiit 1317. Vita ejus impressa est  
in 4:o, sine loci & an. mentione, & reperitur in Biblio-  
theca *Rålambiana* Högsjöensi, unde accuratam illius de-  
scriptionem dedit nob. *Warmoltz*, in *Gjörwells* Sv. Bi-  
blioth. P. II. p. 272. Cfr. *Lagerbr.* Hist. Svec. P. III. p. 191.  
Ab

Ab an. 1303.

**XXXII. Margaretha Abbatissæ Vadstenensis Chronicon de S. Brigitta**, Svethicum.

S. *Brigitta* nata 1303, obiit 1373. Auctor Chronicæ *Margaretha Clavesdotter* in cœnobium Vadstenense recepta 1440, obiit 1486. Ex gemino codice edidit *Ericus Benzelius*, cum versione Latina & notis brevibus, Upsal. 1710, 4:o.

**XXXIII. Vita sive legenda cum miraculis domine Katherine.**  
Ad finem Seculi XV, Holmiæ XLVII foliis in 4:o impressa, recusa Romæ 1553. 8:o. Historiam Legendæ hujus vide in *Kongl. Bibl. Tidn. om Lårdasaker*, 1767, p. 161. De vita S. *Catbarinæ*, a Monacho Nådendalensi *Jobanne Rek* vel *Budde* an. 1491 Syetice conscripta, cfr. *Lagerbring Hist. Svec. P. III. p. 827*. Sancta hæc S. *Brigittæ* filia obiit 1381.

Ab an. 1344.

**XXXIV. Diarium Vatzstenense.**

Ex codice mscr. *Ol. Celsii*, quem jam possidet Biblioth. Ups. cum notis edidit *Er. Benzelius*, Ups. 1721; 4:o. Definit in an. 1555.

Ab an. 1374.

**XXXV. Historia S. Nicolai Episcopi Linconensis.**

S. *Nicolaus Hermanni* Episcopus fuit 1374 & obiit 1391. Edita est ejus Historia 1:o Sudercopiæ, 1523, cura Episc. *Job. Brask*; 2:o ab *Erico Benzolio*, in Monum. p. 109 & illustrata in Proleg. p. 29.

Ab an. 1389.

**XXXVI. Omstendelig herättelse buru de Svenske blefvo i Stockholm af Tyskarne förrådhne och brände år 1389, på samma tid skrifven;** *Proditio Theotbonicorum Civitatum Stockholmenium*, contra indigenas, videlicet Svecos. Ex codice vetusto Biblioth. Upsal. edidit *Benzelius* in Monum. p. 62 & illustr. in Proleg. p. 16.

XXXVII. *Caroli Andree, Monachi Vadstenensis Chronologia brevis rerum Svetbicularum ab an. 1389 ad 1446.*

Ex autographo auctoris cod. mscr. Bibl. Upsal. N. III. edit. *Benzelius* in *Monum.* p. 98, illustravit in *Proleg.* p. 24.

Ab an. 1407.

XXXVIII. *Miracula S. Crucis Stockholmiæ Seculo XV in eunte annotata per fratrem Gregorium Monacum Ord. Prædicatorum Stockholmiæ,*

Ex codice mscr. vetusto edidit *Laur. Roberg*, Ups. 1725, 4:o. Desinit in an. 1461.

An. 1434.

XXXIX. *Nicolai Ragvaldi Episcopi Wexionensis Oratio babita in Concilio Basileense.*

Judice *Messenio* an. 1434. Inserta 1:o a *Johanne Magno Historiae ejus Svec.* Lib. XVI. Romæ 1554, fol. 2:o separatim edita ab *Olae Magno*, ibid. 1555. 3:o Argentorati 1617 atque 4:o in *Monum. Benzelianis* p. 101, illustrata in *Proleg.* p. 25. Hæ editiones Latinae. Svethice inserta 1:o *Petri Petreji Chronico Svecano* 1611, in 4:o, & 1656, in 8:o; 2:o Versioni *Historiae Johannis Magni*, ab *Erico Schrödero* adornatae, Stockh. 1620, fol. De exemplo hujus *Orationis mscr.* quod in *Bibliotheca Vaticana* Romæ reperitur, ipsiusque auctoris autographum judicat *v. Stiernman*, ad *Werming*, P. I. p. 59, conf. *Björnstäbl.* *Bref om Desſ Utländska Resa*, P. I. p. 543.

An. 1460.

XL. *Conradi Rogges Episcopi Strengnesensis Oratio babita Perusii pro impetrandis Doctoratus insigniis.*

Auctor creatus *Doctor Perusii* 1460. Ex autographo mscr. in *Biblioth. Templi Cathedr. Strengn.* edidit *Benzelius* in *Monum.* p. 106; illustravit in *Proleg.* p. 29.

§. IV.